

宜興荆谿縣新志卷之四

文教

學宮記

宜興自宋景德始立學至皇祐而重徙紹熙而再修新安作記學乃愈名燬於元遷改增拓於明

國朝因焉規制大備荆谿分縣澤宮共之先師廟爲大成殿前

旁有東西廡廡前有門門左右有夾室又東有將事官會集所

前有靈星門

前志靈作櫺辨見卷末定訛

又前有泮池池有橋又前有下馬

碣碣左右有二坊廟後有明倫堂堂前之東西旁有齋齋之南

有門東曰聚奎西曰聯璧堂後有尊經閣又後有敬一亭尊經

宜興荆谿縣新志

卷四

文教 學宮

一

閣之東有祭器庫廟門東爲崇聖祠有殿有廡有門崇聖祠之後北有襄辦丁祭所又北有土神祠又東有王教諭祠廟門西有鄉賢名宦忠義孝悌四祠明倫堂之西有教諭署聚奎門之東轉而北向有訓導署聯璧門之外有射圃前志述之詳矣道光丙午文廟更新至咸豐之庚申粵賊据城大成殿之旁屋以次盡毀復議取殿材爲僞府卽夕自火光熊熊灼天兩泮盡赤未火之前風雨以雷旣火之後灰燼如雪同治甲子克平至丁卯之歲邑士紳請重建學宮巡撫遴員委驗召工計直需錢五萬緡有奇狀上奉檄發宜荆善後經費錢二萬緡勸農局餘錢二千緡建大成殿

五楹

榱梓珍木採自中山璫璃甯瓦陶於外縣

嶽厓麗婁翹視眄眩奇芳網縵見卷末眾彩爛絢厥模閱壯逾

於舊矣又建東西廡十有八楹戟門三楹後半夾室四楹官僚會集所

三楹大小屋凡三十有三楹修半池及靈星門竝築屏牆東西翼

之宮牆五十丈有奇董其事者徐鳴皋及潘承基儲沆三閱歲

而成費錢二萬三千緡庚午之歲請按田捐錢得九千餘緡建

崇聖祠殿三楹廡東西各二楹前廳三楹正門西向一楹學門三楹門廡三楹及他

祠土神祠三楹王教諭祠一楹旁屋襄辦丁祭所及廚溷共四楹凡二十有五楹董其事者李文

濤徐大誠潘耀文吳承澤四閱歲而成費錢六千餘緡其存二千餘緡生息

不用者已卯之歲又請發錢全築宮牆屏牆建聚奎聯壁門各門

一楹及荆谿訓導署門三楹屋凡五楹牆百丈有奇四閱月而成費

宜興荆谿縣新志 卷四 文教 學宮 二

錢千三百餘緡吳協心增築全學宮牆記曰神祠官寺之寓輪

非徒以尊號號之也蓋聖賢之所祀師儒之所居不築牆以宮

之蔑由禦出入而肅觀瞻宮者穹也營之所居不築牆以宮

謂之宮宜興之學咸豐季年燬於賊自同治六年請公款二萬

緡有餘建大成殿若廡若門九年前環後缺九千緡有餘崇聖

祠若廡若門所築之垣屏如翼如前環後缺九千緡有餘崇聖

入門而矚夫子之堂貫瀆嚴尊已歷年所而田捐之贏存餘未

用者自若也光緒元年余以事至邑睹焉而但詢焉而驚謀請

存錢若干先築繚垣用蔽內外然後堂齋庫閣踵茲續建議上

而未有應者粵五年春上丁釋奠學中諸君受胙者復用余言

以告縣司教司訓及荆谿令咸謂當請上臺宜興侯獨日斯

事誠急請則需時俟成而上告專輒之罪走獨任之無累諸君

也遂主議發錢刻日興築略基者度侯亦間日行築焉凡成宮

者鼻趨廡集巡功之植風雨必臻劉侯亦間日行築焉凡成宮

牆百有一丈更建聚奎聯壁門各一楹訓導署門三楹工固而

質省四閱月而告竣余時在湖撫幕同人郵書以諭屬敘顛末

勒諸貞珉余喜同志者之行余說而又代余勞也遂書以記焉

是役也首其事者余友湯君嘉泰其材料之直朱君方來董其役

者史君毓瑛蔣君士良徐君嘉泰其材料之直朱君方來董其役

於前付予於後者既鑄石以詳之不復贅也
劉侯名誥河南滑縣人攝篆朞月有政聲 而鄉賢名宦忠義

孝悌諸賢族裔卽於是秋會議合建四祠及齋宿所爲之總門

鄉賢祠在中舊改梓潼祠爲之咸豐五年重修四祠擬改名宦祠於鄉賢祠舊址議者以鄉賢最先建祠內有尹肅公係祀廡先儒又大學士蔣廷錫奉 特旨由名宦祠改入宜仍舊制鄉賢居中爲便今亦仍之而廓其後地重建前後各爲三楹更加寬廣前爲拜廳後設神座名宦祠三楹在左忠義祠三楹在右舊時名宦在鄉賢祠西忠義在鄉賢祠東南棟宇湫隘咸豐間修葺名宦忠義神龕互易今皆擴基更建名宦祠南爲孝悌祠舊在鄉賢拜廳右今居左忠義祠南爲忠義祠舊祇二楹在明倫堂後祭器庫旁地較奧僻今移建爲三楹在鄉賢拜廳右與鄉賢祠前後三楹崇庫相稱左右相齊又議建齋宿所三楹卽忠義改祀名宦舊址爲之以 凡二十有二楹費錢三千上二十一楹皆南向總門一楹東向

餘緡 重建名宦鄉賢忠義孝悌四祠記日出爲賢父母處爲鄉所當奉爲典型也宜興自宋有先賢祠在城西南二里所明嘉靖間改名鄉賢移建於學又於鄉賢祠之西爲名宦祠 國朝

宜興荆谿縣新志

卷四

文教 學宮

三

雍正初建忠義孝悌祠始亦在埂垣外後與名宦鄉賢比祠同祀蓋古者社與學併學門之外立爲社壇今則社有名而無實祭社諸公合於學中亦固其所願自粵賊之變廟寓盡夷宮牆亦徹克平已遂先師之殿更築增高規逾疇曩而崇聖之異室配哲之升堂先賢先儒之列庶以及興文之社司教之祠亦皆次弟鼎新獨名宦諸祠未嘗有及之者已卯之秋山亭蔣氏國山周氏汭谿徐氏屬諸賢之後裔而言曰學何者爲尊師名教之完人而已師何者爲近傳祖考之令聞而已夫讀循吏之傳攷耆舊之錄偶有忠臣孝子之名有不願馨香奉之者乎苟吾先代有其人焉有不願俎豆寵之者乎今四祠惟名宦爲他邦之產然先澤所畱足庇後嗣依棠封爲梓里者荆渚朔南鉅族且比比也其鄉賢而外曰孝曰忠又疇非君山震澤清淑之攸鍾哉他人尙欽焉矧吾宗之未墜潛德尙表焉矧厥祀之已崇乃者廟學告成歷有年矣而諸賢之祠坳序者依然棟宇闕而烝嘗普也有舉莫廢其謂之何有後勿棄其又謂之何眾曰然遂程厥工構厥材輸錢者疋集行築者驚趨崇庠廣陋不齊者齊瓜離分析不傳者傳更築於新擴基於故仍舊制以鄉賢居中合前後爲六楹名宦居左前爲孝悌祠忠義居右前爲附賢居齋宿所在其東又爲總門一楹四祠共之自經始以迄落成凡歷時十有二月用錢三千餘緡董其事者蔣君詒芬及其族孫

葛敏陳垠吳允禔葛最步守信劉應鳳陸志黃守正吳國士朱
邦彥吳穀戩周濂儒吳正心吳鴻泰國朝徐懋威儲江芮禮
芮應昕孝悌祠今祀漢許武許晏許普許荆宋儲炳明張倫張亨
先齊陳元之吳達之唐蔣渙蔣宋時彥元儲炳明張倫張亨
張新徐琳徐濟胡孝杭濟徐元相曹珂任卿楊阜潘松楊卓李
延謐萬士亨楊準吳承裕談書李魁徐文煜湯鍾壽陳一經楊
萬春陳一教吳宗良史元鎮黃衷赤路邁史君爽任友恭任億
年湯迪簡任元祥徐守魁戴朝榮戴慶曾戴信楊暉萼楊渭張
應鵬鄒善祐徐陞湯應隆萬鎰邵廷紀吳箕王永圖趙天錫吳鼎
國朝李焞蔣廉路遜吳景運邵廷紀吳箕王永圖趙天錫吳鼎
珍王明俊梁壬郎錢修期謝旭史泓任沂許翎吳超湯汝為曹
應莘曹在豐曹桂蔣正泰蔣純勤徐兆麟邵志珪徐思直路學
宏吳玟王人瓏史周沅孟孫吳祿倉張興年孫夢簡堵維常楊
履祥姜人明聶廷茂湯孟孫吳祿倉張興年孫夢簡堵維常楊
懷露周翰儲寅亮湯咸亨吳晉刻許昌國楊懷遠周亦魯謝方
琦史仲升史潔理吳其濤陳兆熙王執中吳芝任元瑋潘允喆
任楷文吳俊華萬秋期沈光宇陳行其東又集捐眾姓建明倫
山朱裕文許延烺錢濟川汪作模

堂五楹尊經閣三楹祭器庫五楹齋舍東六楹西七楹碑廡五楹凡三十有一楹

宜興荆谿縣新志

卷四

文教 學宮

五

及靈星門外東西二坊庠者增而高陔者拓而廣蕞樸者易而

堅緻瓌譎虹旻睹斯而貽與四祠皆暮月而成費錢萬餘緡董

事者史毓英徐嘉泰蔣士良徐光熙朱黻萬康潘榮植蔣仁壽
功成周家楣撰新建學宮記曰自史克頌伊教於泮宮漢諸生
作王制遂偁侯國之學其後府州及縣鈞以為名宜興之學自
宋迄今振頹綱而宗古訓者視他學為多興廢遷修前志詳矣
兵燬已後既請建大成崇聖殿若門若廡若坵祠及築宮牆又
議捐建名宦鄉賢忠義孝悌四祠而明倫堂尊經閣與夫齋舍
器庫十餘年而未謀復也己卯之冬余乃屬邦人士而言曰諸
君亦知泮宮詩之教學乎詩曰昭假烈祖靡有不孝說者曰烈
祖周公也孝傲也言能則傲周公以為教也古者五教著彝倫
四教崇經術周公之設官也以德教曰祗庸孝友明倫之學也
以語教曰興道諷誦尊經之學也詩頌魯侯曰克明其德明以
行者盡乎倫明以言者本乎經明之學也亦尊之也其六章曰濟
多士絃誦之齋多士所居也其四章曰敬慎儀豆籩羽籥器
所以習威儀也且詩因服淮夷而作芹藻之采馘囚之獻近於
釋菜釋奠顧但言教學之法而不偁先師今孔子之教亦周公
之教也粵寇之變甚于淮夷三綱數六籍燔於此而不明吾倫

尊吾經無怪凌競媮薄之風日熾空疏剽竊之習日成子衿城闕禮壞樂崩雖先師以下祠祀無缺而堂閣舍庫之廢侈猶無以爲教無以爲學也母亦失洋宮之意乎蔣君詒芬尹君冠芳聞余言而躉之倡議樂輸四鄉諸君影從繇應余與今中丞任君道鎔出千金助焉高訾競集工勸趨堂加崇者一丈閣加崇者六尺齋拓庫增皆逾於舊又建門外東西二坊雲聳緞麗并修大成殿之梁楹崇聖祠之階甃唐除道圍罔弗治者凡用木石之值五千餘緡瓦甃三千餘緡工匠二千餘緡史君毓瑛等八人掌其會計視其功作毛髮絲粟皆歸實用期月而告成事歲試所錄弟子員於茲行禮焉余觀春秋於大興築皆書而泮宮之役不見於經始嘗惑之及見孔仲遠疏謂魯有泮宮舊矣僖公特修其教學之法功微費少例所不書則知春秋與詩義各有在今工興一載訾及萬緡揆之春秋宜得書焉誠修教學之法而受教者亦烝烝皇皇克廣德心豈無咏思樂而興懷者乎夫懷鶉音獻象齒周公之孫偃武修文泮宮作而夷服矣緬溯前勳翹瞻聖化亦將於吾邑之學成而爲天下慶也大

成之殿峙乎其間豐麗博敞故相稱也自經始之日以迄觀成其間或作或輟前後歷年蓋十有四圍牆之內昔有今無者惟宜興荆谿縣新志

卷四

文教 學宮

六

敬一之亭圮於

國初故未更建其教諭訓導署則以他署皆不興工亦復從緩但於東西齋後增建旁屋東齋後二楹西齋後三楹餘則就齋舍之曠者借以居焉其他舍宇有加無損然前之給官錢者籌貲易而成功艱後之解私橐者籌貲艱而成功反易昔也胡延今也胡駛夫非以勸學之心鬱久必發如木渟興如水沛達而不能自遏與然則震澤之奇君山之秀地稟旣雄人材俞茂新安所云道德性命之旨詩書禮樂之文縣人學子知所鄉慕者將於今乎聞

學額記

宜興自立學以來科名燁赫一邑三魁蜚聲趙宋然雄材壇場

捷者先得無所謂額也其定額而列於學者則有之矣始自縣令合鄉邑之應童子試者校之府又校之然後試於學使者拔其尤為博士弟子員偁曰庠生俗偁為秀才按漢有秀才異等唐之秀才少於進士明或以秀才為知府為翰林為尚書此乃辟舉之名借為庠生之偁非也宜興為大學文有歲科二試皆

額取二十五名分縣荆谿仍與宜興同學宜興額十三名同治

八年以湖南捐餉永廣文武學額二名為十五名吳林宜興永廣文武學額

記曰自漢武立學因博士舊官置弟子五十人復其身此學額之始也明初立郡縣學復設提學以督之至宣德間生徒甚盛增太祖原額於額外附之此提學試新進附生額之始也宜興學額見於前志者自明萬曆迄崇禎遞增至九十六名國朝順治間由八名遞減至十五名康熙初科歲分試定額五名旋復十五名厥後更增為二十五名武則科歲并試額十五名縣析而學不分新進文生自府學以外宜興縣學僅十三名荆谿縣學僅十二名而兩邑童試者率二千五百人咸豐以來軍

宜興荆谿縣新志

卷四

文教 學額

需蠶午籌餉舊例一邑捐銀二千兩者加一次文武學額各一名捐銀萬兩者加永遠文武學額各一名同治間新章改為加倍則二萬兩而加額文宜興前湖南永順知縣任公在湖南捐銀四萬兩請於巡撫加宜興縣文武永遠學額每三歲之中增文武生員六人竊念宜興荆谿自軍興以來捐餉何啻數萬散捐者或不問獨捐者或請獎自咸豐八年至同治十一年兩邑學額因捐餉廣一次者前後統計文武各十五名而已今任君助餉不為一家之私而推諸同邑又不為一時之計而懷及永圖其嘉惠後生豈有極哉且兩邑自尅平以後應童子試者僅及六百宜興之較荆谿贏數以百計勸學由于加額有明徵矣任君名瑛由進士官湖南有政聲遷階知府年未七十致仕歸

荆谿十二名遇 恩則廣

額七名宜興得四荆谿得三而府學不與焉宜興荆谿府學嘉慶道光咸豐間多

至十二名少亦九名同治克復後因童試人數較少由八名減至七名今學使憑文錄進仍復八名其府學 覃恩廣額不

在此 武童則有歲試無科試額取十五名宜興八名合捐餉永

廣為十名荆谿七名與文試錄取者縣令皆禮而送諸學文生

之初為附學生

明初立學至宣德間生徒益盛於原額外附之附生之名自此始也學使者歲科

兩試優者食廩餼次補增廣生

增廣之名始唐太宗明宣德間備曰增生其廩膳生自漢武帝

置博士弟子員迨元帝有餼廩之典直至明代相沿不改

府學皆同宜興廩生額二十名半

府學之數分縣後與荆谿各得十名增生亦如之食廩既久貢

於太學則有歲貢亦曰序貢

始於明代有取廩生四十五歲貢者正統天順間再舉之為振滯計

不常行也

逢慶典則以序當貢者為恩貢

宜興恩貢隆慶間始見

取其次為歲

貢歲貢之額舊例縣學兩年貢一人宜興自分荆谿兩年合貢

一人乾隆十九年定例四年兩縣各貢一人

覃恩則有兩恩貢其以文藝選者曰拔貢

俗亦稱拔萃科非也書判拔萃乃宋科名

拔貢則始於前明宏治間南京祭酒章懋言歲貢依次多衰廢者乞令提學行選貢法不分廩增附生學優年富者通行考選

宜興荆谿縣新志

卷四

文教 學額

八

嘉靖十年始行之或比年或間歲或十餘載初無定期國朝因之 廷試優者得六部七品官次用知縣最下用教職大約

與優貢畧相似但優貢選期以三歲闔省僅六名往往通府無之與鄉試副榜偶副貢者學中俱無定額

宜興拔貢

舊載六年選一人据雍正閒言之其實分縣後六年合選一人

乾隆閒更改為十二年同治十年新例凡縣之由併而分者生

員俱滿百人選拔之年得各貢一人

周家楣撰宜荆分增拔貢記曰歲獻貢士著於戴記

宜興舊志有宋元貢生而制不可攷自明代以廩膳生歲久者序貢年學衰廢於是令提學行選貢法不分廩增附生通行攷

選謂之拔貢所以濟歲貢之窮也宜興拔貢始嘉靖十二年其舉行之期或比歲或間歲或逾十歲 國朝雍正閒分縣後六

年合拔一人乾隆閒改為十二年每遇西科舉之道光戊申行已西科試余時成童補博士弟子其年選拔貢生榜發先大父

榮祿公攜余往觀吾邑獲雋者二一為今山東巡撫任君道鎔乃府學也宜興縣學為徐君斗文余請於榮祿公曰荆谿何無

之也公曰兩邑額祇一人此得則彼否自乙酉以來三試皆宜興得之荆邑才雋之士不獲與選憤恚以殉者有矣余曰曷不

上請朝廷增選額乎公曰童子言何容易定例府學拔二人
縣拔一人吾邑未嘗分學增何能焉余故心焉惻之迨余官禮
曹會四川有增設拔額之請議奏俞允時同官武進惲
君彥琦與余為同歲生陽湖分武進縣與宜荆同余就而商之
擬令鄉人援例以請惲君曰事若可行然分縣時如吾邑者吳
越凡數十處獨增未宜竝增尤不易也余曰事在當請與否耳
難易非所計也且吾輩在署奈何令同學士子失此機宜乎遂
致書邑士紳與同郡之武進陽湖無錫金匱合詞詣郡達行省
求奏但以文風日盛為言於二縣同學概未聲說也繇是松郡
之華亭婁縣上海奉賢金山南匯亦附請焉大吏據以聞下部
議奏章上制曰可命下之日同鄉在都者權呼偁慶同
治壬申事也是年提學拔癸酉科貢生吾邑首選於府學者一
人宜興荆谿則二人分拔焉今因學宮之成併為記之回首少
時所言常恐落落難合而有志竟成低回祖訓不禁忻然慰悃
也然思自此兩邑士子多一進身之階矣至於先賢之裔稱奉祀

生圭潔薦先俊奔執豆分縣已後宜興五人漢毛萇吳周魴宋

淵荆谿四人宋蔣興祖明徐鑑徐溥由督臣及撫臣驗督擇其

宜興荆谿縣新志

卷四

文教學額

九

習禮儀而通文義者佻生亦提學所選每學四十人乾隆五年定見會典

以三十六人樂舞餘四人以備臨時更代其例童生免府縣兩

試由教官册送敘入考案之後其始亦由廩保甘結試以四學

使者憑文錄進入學之後仍不開缺俟若生員則免試遺才埶

案鄉試凡此皆列於學而有定額者也今者文風日盛祀事孔

明衣冠濟濟禮樂莘莘選士澤宮庶無竽濫哉

禮樂器記

自虞書有典禮樂之官而後之防僞防情者胥以為教禮樂之
在身不可斯須去也孔子曰禮云禮云玉帛云乎哉樂云樂云
鐘鼓云乎哉況乎三代以降傳制寢乘泥古之流望文傳會鼎

壘或混其形篋篋各殊其制鐘有枚銑而變爲圓平磬分股鼓而齊其句倨簧有鐵以橫鼓亶知金葉之中含柷用止以連撞誤作木椎之下擊禮樂旣弛而器亦不可知矣雖然卽今追古彷彿猶存於尊之爲犧可訂鄭注之訛於爵之象鳥可辨聶圖之踏敵作虎伏識是騶虞笙有鸞名懷彼儀鳳善夫歐陽子之言曰先王吉凶賓射之禮今皆不可見幸有釋奠之典著於令民猶識先王之禮器焉因其器以習其數因其數以想其志因其志以得其人由末反本舍此奚屬哉宜興荆谿同學自乾隆閒倡建禮樂器見於前志者禮器凡六百五十有五樂器凡百三十有九粵寇之變灰飛燼滅同治十二年始具禮器用崇聖祠工程

宜興荆谿縣新志

卷四

文教 禮樂器

十

餘錢置

樂器當新學告成邑人士輯貲備置將於書院中教習諸生屆期襄事他日者奠尊儋籩執籥秉翟不獨祀事之孔明而俎豆弦歌之風青衿縞帶者且循循乎斯陶斯淑也

書院記

邨庠遂序之設四代以來所以陶鎔士類者非徒國學也漢興之初未皇立學以三老主教化而文翁守成都立學官建講堂武帝因之郡學是設下迄梁代分遣祭酒敷教州郡唐元宗時則縣皆有學然教歸於官段名藉色苟具儀文親師信道之風遐哉邈已而故老名儒芳徽緒論士林嚮慕者如楊震華嶽之市王通河汾之居此書院之名所由昉於唐代乎宜興書院見

於舊志者明宏治間有東坡書院沈侍郎所築在邑東南蜀山麓東

坡所嘗築堂也其在治城者明道書院為最先在周孝侯墓左

今五公祠及荆谿積穀鄉倉其故地也史太僕孟麟於焉講學鄒南皋元標劉念臺宗周

諸公不遠千里贏糧而至顧憲成唐鶴徵高攀龍錢一本暇則攜及門講

誦焉院中祀唐棣周衝萬吉三先生而縣東三賢之祠士人課

業其間亦偁崇儒書院乃以吳侍御達記中之語從後偁之爾

天啟之葉魏璫擅國書院盡廢

國朝乾隆閒巡撫陳宏謀檄各縣建院課士宜興乃即蜀山故

址經理之延師講課肄業者苦其阻僻移近城西會真庵側溯所自

來顏曰蜀山後易為陽羨書院嘉慶閒改入城中通真觀巷具見前

宜興荆谿縣新志

卷四

文教 書院

十一

志咸豐閒兵毀克復後借他屋為之同治四年常州府知府札

二千五百縑為書院置產收租借厚餘堂屋光緒六年荆谿知

縣徐景福更建南街前明陰陽學故址在焉先是路保和以通

購徐氏廢墟謀為更建光緒五年徐景福攝篆荆谿甫至即議

建復書院明年與宜興知縣吳元漢計先給條銀羨餘津帖書

院膏火者三千縑集工興築相度地基廓陰陽學舊址為文場

內有湯姓隙地湯其倬捐入成之凡大小屋六十餘楹繚垣五

十餘丈用錢七千縑文場東西作總門以界之課士別生童縣

試則宜興荆谿分東西焉八月興工明春二月告成徐嘉泰蔣

士良史毓瑛徐光熙李杜詩蔣仁壽董其事而創議請建者徐

長齡蔣詒芬也徐景福撰記曰余少時握管學為文即讀在陸

經畚諸稟稍長觀風華閣之詩章湖樓之儷語畫山史論鈞

臺經箋竊歎陽羨文才之盛也既以通籍官吳中奉檄權荆谿

縣事荆谿與宜興同城皆漢陽羨故地履任後先謁文廟殿廡

雖成堂舍未建次復周視書院則暫借他屋為之崇儒之祠既

更明道之址久廢而蜀山移建改偁陽羨者亦復蔓草荒墟相

度遺基湫隘不稱肄業者乏書齋應試者無號舍子衿廢學誦

詩而嗟時大京兆周君奉諱家居方倡議捐建全學功程余以
事往謁言及書院周君慨然曰斯事誠急然國餉未贏民財
又不逮養而教之在我侯矣既而士紳據上臺檄以請先是撫
軍檄州縣每徵銀一兩出錢十以佐書院膏火前令因循未及
發也余與宜興吳君計先發五年之貲可得三千緡再為設簿
勸捐於徐氏石舫齋舊址廓隙地為之凡建屋六十五楹門廡
堂庭文場官廳以及廚漏屏圍靡不畢具五閱月而告成今年
春仲余及宜興吳君舉童試於此昔宋葉適記宜興學羅列往
事謂非地力之勁挺地稟之文華不能若茲今陽羨諸君既建
學宮復興書院而國山臨津諸院散於荆谿之鄉者或刵建或
增築皆在一歲之中即其篤於修文知其勇於樂善信乎人材
之盛也覽周侯之長橋覩盧公之故第教孝教忠皆由此出豈
獨文才
也哉
規制宏敞迥逾曩昔講堂後為學海樓設蘇文忠位以

蜀山舊祀仍而不改兼祀史太僕樓下書室題曰明道宗遺緒

也而荆谿蜀山之東坡書院嘉慶道光閒復踵修焉粵寇之變燬其前進

兵後重修同治七年札太守發官錢千緡佐生童膏火 邑西則臨津書院在徐舍鎮道光二十

宜興荆谿縣新志

卷四

文教 書院

十二

七年荆谿知縣高長紳創建 當趙宋時為臨津鄉晉臨津縣地也北望谿濱

任昉之廟在焉教澤猶存音徽未沫庚申之變西鄉創義者皆

聚於茲既遭兵燬重建前進堂齋更增又在其後高長紳於光緒六年自京

師郵寄白金二百兩倡捐復建講堂齋舍二十九楹祀梁義興太守任昉 張渚鎮古屬國山封禪吳

碑十里而近書雄詞健好古者珍之九峯蜿蜒人物勁秀何武

莪之舊第張文石之故廬湄隱盧園相去尺咫方臨津置院時

議建國山書院遷延未就知縣高長紳與臨津書院同時創 遲

之二十年踵議興築半載落成祀前明張主事納陞何 宜興之

境鄉間素無書院兵亂以後祆祠建異學鳴楊巷鎮界跨荆谿

西接溧陽故函亭之城也溯姚谿而北吳文節嘗居焉鋟板募

金閩者至今增氣爰初講舍題以鷺西因鷺州而名之月吉讀

瀟課士其間名雖殊實書院矣離楊巷十里天主邪徒自他邑來立祠傳教官不能禁士紳議

建講舍朔望講是宜興知縣施惠欲於宮村立書院謀議未就至鷺西講舍落成讀瀟之後即行課士施令捐千緡為士子膏火三邑之民靡

然鄉風十年以來無一人歸異教者吳協心撰記曰

御極之七載海氛靖江表清大吏念愚萌之未滌澆風僻壤之

或趁異教令各州縣於鄉鎮舉讀瀟之典官紳士庶月吉宣

隘囂紛觀聽未肅越五載既依

舍於右議甫初助址者輸財者風從響應兩月而工竣堂舍庭

庶畢具以宜興有鷺州之名而講舍在極西也名曰鷺西落成

之後朔望將事以經藝及詩課士於閒宜興令施君惠捐奉錢

千緡為多士膏火貲余因諗於眾曰諸君亦思講舍之與祠比

何邪吾邑自前代講學並於東林明季尚義彪炳史冊迄今二

百餘載髮賊之變西鄉先揭義旗振臂一呼從者如雲決腹斷

脰奮不顧身固地稟之秀勁亦由講學之烈久而未泯也矧茲

地交三邑方雜四民祆祠密邇邪說煽勝凡吾為士者居常則

宜興荆谿縣新志

卷四

文教書院

十三

循賢聖之經遇變則明君親之誼昌明正學潛消異端斯誠

聖天子養育羣材之至意哉若徒研舉業博時名以講學真

傳自命也非惟孤當道之望亦恐貽前哲之羞

而雲陽侯與山亭竝封今偁柯城者乃

近和橋之鎮崇正闢邪聞風而起近和橋十里西人亦購地築

室命曰鷺山書院在和橋鎮周家濱宜興知縣劉誥與紳士議以舊社倉基及蔣程兩姓餘地捐助創建俞

宗海譔記楊允斌書丹楊翼亮篆額南瞰岳山金鷺之峰羅列几案憑窗嘯咏可

以壯文興助詩情自和橋而迤西又有漏南書社屋雖未建而

月課文士蒸蒸日上周鐵之鎮東有竹山與柯城之山同名書

院建於其西是偁竹西光緒六年畢承謨張樹榮倡議捐建陳錦祥助基地中祀宋進士竹山先生蔣

捷震澤汪洋文瀾壯闊登高賦詩蔣勝欲流覽之蹟猶有存焉

者乎凡此皆佐學校以蒸蒸士在城者一在鄉者七衿佩如林

弦誦盈門滌瑕盪穢偃武修文視昔之興廢不常侈徙無定者何其盛也夫學校所養期於致用務實而不近名正誼而不謀利者養士所以盛也今書院之儲才也視其制藝之優劣定其月食之高下以角勝爲榮以得廩爲快而性命道德詩書禮樂之旨概乎未有聞也名與實與誼與利與書院之士如此學校之士可知他日出而筮仕又安望邪然則如之何而可曰率之以名師導之以正學攷諸實踐以觀其行試諸經術以驗其文則四鄉之教化行而兩邑之人材出崇儒明道前哲之澤豈遠人哉

附記寶興公項
寶興之文始見於周官大司徒鄉大之職曰三年大比攷

宜興荆谿縣新志

卷四

文教書院

十四

其行藝而興賢者能者以禮禮賓之其禮卽鄉飲酒之禮主東賓西歌鹿鳴者是也漢代迄今斯禮不廢鄉試榜發府尹行鹿鳴宴於庭自明以舉人爲定階而應鄉舉有名者將赴試縣令及校官涓吉日戒吏行事於學之明倫堂設宴舉子列坐於上縣令校官設坐於下北向酒行演樂闋而散拜至拜送厥儀甚肅宴之日張綵坊於甬道題曰龍門士子由甬道龍門下出亦謂之賓興其飲酒而出也每人各贈白金但其數甚微與禮部試公車之費皆不足當治裝之十一自產出租或貸商爲息三年爲空文故各邑皆勸捐集款或置分給之以稱朝廷意旨宜興荆谿寶興公項兵後無存同治九年宜興知縣陸鴻逵倡捐千緡復輯捐眾姓得三千餘緡由吳承澤經管光緒六年徐嘉泰蔣士良等呈請兩縣歸書院值年輪管前時出入報銷簿記承澤存錢二十緡待刻徵信錄昭慎重也嘗念帝與師處王與友處古者弓旌車乘之招尊德樂道如此其至也後世功令士以投牒進身故高潔之流有聞唱名而返視符驗而出者矣猶賴有寶興之典使庸眾知國家之所以優視而士不至於自薄鹿鳴之章曰我有嘉賓視民不佻今日之舉子卽他日之臨民者也說禮敦詩者尙其顧名而思義哉

義學記

古者義學與社學不同社學興於明初與書院皆仿鄉學之制但書院以教成人社學之徒皆屬童子月吉則讀灋而鄉約行焉若義學同於義莊乃有力者所設以教其宗族之子弟今之義學卽爲社學猶社倉侷義倉也宜興社學康熙閒舍宇僅存寢衰寢廢化爲荒墟自同治七年兩邑侯各捐奉錢長橋南北分設二塾借屋爲之師嘲煎鱔徒競喧蛙廩粟歲糜迄無一就昔明林智之記社學也謂鳩庶民之幼沖者執業而居簡士林之博雅者課徒而息教者讀者各有位置今之有名而無實者何也修脯未豐禮儀未盛則善教者不屑就而樵童販豎皆居

宜興荆谿縣新志

卷四

文教 義學

十五

弟子之班故師不尊則徒不俊徒不俊則學不成學不成則人不信上行之以實意下應之以虛文何怪其名存而實亡也雖然存其名猶可復其實他時物力滋豐民風漸秀髻齡稚齒有翹然於學中如何武之歌詩得舉劉宴之獻頌侷奇者且拭目以俟之